



Inatsisartuni ilaasortaq Palle Christiansen, Demokratitit
MAANI

§ 37 naapertorlugu apeqqummut 2013-91 Kirkegaard-imik issuaaneq, akissuteqaat

Jens-Erik Kirkegaard-imik issuaaneq pillugu Inatsisartut suleriaasianni § 37 imm. 1 naapertorlugu, makkuninnga Naalakkersuisunut apeqquteqarputit.

Tunngavilersuutaasoq:

”Tupannarpoq nunarput pillugu qanoq oqaluttoqarnerseq paasillugu, sualumik Investment Pitch-ip nittartagaani videot takullugit.

Inuit saqqummiisut oqaatigaat nunatsinni nunaminertaq akeqanngitsumik pissarsiarisimallugu. Nunaminertaq pissarsiarisimasartik Maniitsup eqqaaniittoq Sudbury Basin-ip Canada-miittup ukiut 150 matuma siorna isikkoqarsimaneratut assersuuppaat.

Nuannaarutigaat Kalaallit Nunaanni ajutoorsinnaaneq annikimmat, aammalu oqaatigaat kalaallit politikerit isumaqatiginiererat qanoq ajornanngitsigisoq.

4800 kvadratkilometeri ”Imaalliallaannaq” pissarsiarisimavaat, tassa Danmarkip 11,5%-iatut angitigisoq.”

Taama oqartuuvoq Jens Erik Kirkegaard. Taannarpiarlu atuarneqarsinnaavoq Siunup nittartagaani.

Ingerlatseqatigiiffiit nunami maani aatsitassanik misissueqqaarnissamut piaanissamullu aningaasaleerusullutik eqqarsartunut soorunami pingaaruteqarpoq Kalaallit Nunaata piumasaqaatinik sukateriniarluni eqqarsaateqarnera. Issuaaneq qulaanitut ittoq qularnangilaq ingerlatseqatigiiffiit eqqarsaataannut ilanngunneqarumaartoq.

Kisiannili Jens Erik Kirkegaardip oqaaseqaatai qineqqusaarnermi annitaapput, tassani Inuussutissarsiornermut, Aatsitassarsiornermut Ikummatissanullu Naalakkersuisunngornissaa sioqqullugu. Maannakkullu soqutiginarpoq tassaavoq, Jens Erik Kirkegaardi, Inuussutissarsiornermut, Aatsitassarsiornermut Ikummatissanullu Naalakkersuisutut suli naalakkersuisunngikkallarnermisut isumaqarnerseq: qinersisartunut neriorsuutini aalajangiusimanerai aamma pissaaneq tigoreerlugu suli aalajangiusimaneraa – misissueqqaarneq kiisalu piiaaneq ajornarnerulissasut imaluunniit akisunerulissasut.”

1. Inuussutissarsiornermut, aatsitassanut ikummatissanullu Naalakkersuisoq (suli) isumaqarpa, nunami maani aatsitassarsiornermullu akuersissummik pisarneq ajornanngippallaartoq aamma Naalakkersuisut tigulaakkamut ataani allassimasumut qanoq oqaasissaqarpat?

14. juni 2013
Sagsnr. 2013-080134
Dok. Nr.

Postboks 1801
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Akissut:

Aap, aatsitassarsiorluni misissuinissamut akuersissummik tunineqarnissaq ajornanngitsuaraasoq suli isumaqarpunga. Kisiannili oqaatigineqassaaq misissuinissamut akuersissummik pissarsinissaq "ajornanngippallaartoq" oqannginnama, aamma hr. Palle Christiansen-ip apequteqaamminut tunngavilersuutitut atugaani issuaaneq taanna allassimangilaq.

Ingerlatseqatigiiffiup oqaatigimmagu akuersissummik pissarsinissaq "ajornanngitsuaraasoq", nersualaarinerlut isigiinnarusuppara. Tassami Kalaallit Nunaata sukkasuumik, sunniuteqarluartumik piginnaaneqarluarlunilu oqartussaasutut suliassanik suliarrinnattarnissaa ukiorpassuarni anguniagaasimavoq. Tunngaviusoq taanna aatsitassarsionermut suliassaqarfimmi suliqartut Kalaallit Nunaanni misissuinissamut soqutiginniinnarnissaasa qulakkeernissaannut ilaavoq.

Ingerlatseqatigiiffiup aatsitassanik misissuinissamut inatsisitigut piumasaqaataasut tunngavissaatitaasullu nalinginnaasut tassunga atasut naammassisimagunigit, soorunami misissuinissamut akuersissummik pisinnaatitaassaaq. Siunissami misissuereernerup kingorna piiaanissamut akuersissummik qinnuteqartoqarnerani, kaaviiartitanit royalty-mik akiliuteqarnissaq pillugu piumasaqaateqartoqarsinnaalernissaanik piumasaqaateqarnissamik atuutsitsilernissap saniatigut, aatsitassanik misissuinissamut akuersissummik pissarsinissamut tunngavissaatitaasut sukannernerulersinnissaanik Naalakkersuisut pilersaaruteqanngillat.

Sumiiffimmut piginnittussaataaerneramik akeqanngingajavissumik pissarsisarneq pillugu oqaaseqarnermut tunngatillugu erseqqissarneqassaaq, misissuinissamut akuersissut taamaallaat ukiuni tallimani atuuttartoq, tamatumalu kingorna ingerlatseqatigiiffik piffissami pisussaaffimminnik naammassinnissimappat, sivitsorneqarsinnaalluni. Taamaattumik sumiiffimmut ingerlatseqatigiiffik piginnittussaataalersimasoq tassani oqartoqarsinnaanngilaq.

Aatsitassanik misissuinissamut akuersissummik pissarsinissamut akiliutaasartoq, nunani allarpassuarni pisartutut annertutiginnimmat ilumoorpoq. Tamatumunnga pissutaavoq Kalaallit Nunaat suli tassaangimmat nuna aatsitassarsiorfittut "inerisaa-viulluarsimasoq", aammalu Kalaallit Nunaata ilarujussuanut sikoqarfiunngitsumut annertunerpaamut, nunap iluanut tunngatillugu ujarassiornikkut paasissutissat annikitsuaraannaapput. Taamaattumik Kalaallit Nunaanni misissuinissamut pisinnaatitsissummik pissarsinissaq akikingaatsiassasoq, Aatsitassarsionermut periusissat 2004-meersut akuerineqarneranni aalajangiisoqareerpoq, paarlattuanilli misissuiner-mut ingerlatseqatigiiffiup ingerlatsinissamut pisussaaffigisaanut piumasaqaatit annertoorujussuupput. Politikki taannarpiaq aatsitassanut suliassaqarfimmi ingerlaavartumik annertuumik misissuilluni ingerlataqarnissamut qulakkeerinneqataavoq. Tamanna suliffissanik peqalernerani aamma piffissami misissuiffiusumi ingerlatseqatigiiffinnut nioqutissanik tunisisarnikkut kiffartuussissarnikkullu, naggataatigut nunamut tamar-mut iluaqutaasussaavoq. Akuersissutinut assigiinngitsunut ataasiakkaanut, tassungalu atasunut misissuinissamut pisussaaffinnut akiliutissat akilerneqartartussat, akiusunut allattuiffimmi Aatsitassanut Ikummatissanullu Aqutsisoqarfiup ukiut tamaasa nittartak-kaminni aatsitassarsionermut suliffissuarnut saqqummiuttagaanni takuneqarsinnaap-pu.

Akiusut allattorsimaffiat link-imi matuma kingulianiittumi takuneqarsinnaavoq.

http://www.bmp.gl/images/stories/minerals/exchange_rate_and_fees/gebyr-2013-eng.pdf


Pisinnaatitsissummut pineqartumut tamanna isumaqarpoq ukiuni marlunni siullerni (2011 aamma 2012) misissuinissamut pisussaaffiit ukiumut 7 mio. koruuninit anner-

tunerusut. Ingerlatseqatigiiffiup 2013-ip ingerlanerani sumiiffik pisinnaatitsissuteqarfiusoq annikillisimangippagu, tamanna peqatigisaanik isumaqarpoq ukiuni pingasuni aggersuni misissuinissamut pisussaaffiit ukiumut 37 mio. koruunit sinnerlugit anner-tussuseqalerlutik qaffassasut. Ingerlatseqatigiiffiup misissuinissamut pisussaaffini naammassisimangippagu, misissuinnermut pisussaaffiup naammassineqanngitsup 50 %-atut annertussusilimmik akiliuteqartitsisoqassaaq.

Naggataarutigalugu ilisimatitsissutigineqassaaq, soorlu aamma nittartakkami takune-qarsinnaasoq, oqaaseqaatigisara 2012-imi ulloq 14. majimeersuusoq, taamaattumillu qineqqusaarnermut attuumassuteqarani.

Neriuppunga matumuuna apeqqutitit akisimassallugit.

Inussiarnersumik inuulluaqqusillunga



Jens-Erik Kirkegaard